

RK-108 ehf.  
Malarhöfða 2A  
110 Reykjavík

Reykjavík, 6. janúar 2020  
UST201911-142/E.O.  
07.05.02

### Eftirlit í kjölfar ábendingar um ólöglegar efnavörur hjá RK-108 hf.

Umhverfisstofnun barst ábending frá Heilbrigðiseftirliti Reykjavíkur um að efnavörur sem eru í notkun hjá RK-108 ehf. uppfylli ekki kröfur efnalaga nr. 61/2013 varðandi merkingu varanna og form og innihald öryggisblaða.

Eftirlit í fyrirtækið á Malarhöfða 2A leiddi í ljós að vörur hjá fyrirtækinu uppfylla ekki skilyrði efnalaga nr. 61/2013, reglugerðar nr. 415/2014 um flokkun, merkingu og umbúðir efna og efnablandna, sem innleiðir reglugerð (EB) nr. 1272/2008 sama efnis og reglugerðar nr. 888/2015 um skráningu, mat, leyfisveitingu og takmarkanir að því er varðar efni (REACH) sem innleiðir reglugerð (EB) nr. 1907/2006 sama efnis.

Eftirfarandi vörur sem RK-108 ehf. er ábyrgt fyrir markaðsetningu á lentu í úrtaki Umhverfisstofnunar á staðnum:

Vara
Prismatic Powders PMB 6905 Illusion Cherry
Prismatic Powders PMB 4620 Illusion Orange

Í ljósi þess að Vinnueftirlitið hefur þegar krafist þess að öryggisblöð sem standast kröfur REACH séu fyrir hendi og veitt fyrirtækinu frest til þeirra úrbóta mun Umhverfisstofnun ekki aðhafast hvað það varðar að svo stöddu og beinast því að kröfur stofnunarinnar að merkingu varanna.

Umbúðir skulu samkvæmt reglugerð merktar með nafni, heimilisfangi og símanúmeri birgis, vörukenni, viðvörunarorði, magni efnis eða efnablöndu, hættumerkjum, hættusetningum og varnaðarsetningum. Texti merkinganna varðandi viðvörunarorð, hættusetningar og varnaðarsetningar skal vera á íslensku. Til þess að merkja vöru á réttan hátt þarf að flokka hana í samræmi við ákvæði og viðauka reglugerðar (EB) nr. 1272/2008. Nánari upplýsingar um eftirlitið og frávikin sem komu í ljós má nálgast í meðfylgjandi eftirlitsskýrslu.

Óheimilt er að markaðssetja vörur sem ekki uppfylla kröfur um merkingar sbr. 3. mgr. 32. gr. efnalaga. Innflutningur, í skilningi efnalaga, er markaðssetning.

**Umhverfisstofnun veitir RK-108 ehf. frest til 28. janúar 2020 til að senda stofnuninni afrit af íslenskum merkimiða fyrir vörunar PMB 6905 Illusion Cherry og PMB 4620 Illusion Orange, sem eru uppfærðir skv. reglugerð nr. 415/2014 (CLP) á þann hátt að merkingarnar standist kröfur reglugerðar (EB) nr. 1272/2008 og efnalaga nr. 61/2013. Jafnframt er farið fram á rökstuðning fyrir flokkun varanna samkvæmt reglugerðinni.**

**Úrbætur skulu sendar Umhverfisstofnun merktar málsnúmerinu UST201911-142. Rafræn skjöl sendist á [ust@ust.is](mailto:ust@ust.is).**

**Jafnframt er gerð krafa um að vörur á staðnum verði endurmerktar með réttri merkingu þegar hún liggur fyrir og hefur verið staðfest af Umhverfisstofnun.**

Umhverfisstofnun veitir RK-108 ehf. hér með frest til 28. janúar nk. til þess að koma sjónarmiðum sínum á framfæri, sbr. 13. gr. stjórnsýslulaga nr. 37/1993.

Vakin er athygli á því að í samræmi við 5. mgr. 49. gr. efnalaga mun Umhverfisstofnun birta á vefsetri sínu upplýsingar um niðurstöður eftirlits og til hvaða úrræða stofnunin hefur gripið jafnóðum og ákvarðanir um slíkt liggja fyrir. Bréf þetta ásamt meðfylgjandi eftirlitsskýrslu verða birt á vefsetri stofnunarinnar 14. janúar nk. Telji fyrirtækið að efni í bréfinu eða eftirlitsskýrslunni varði hagsmuni sem njóta eigi leyndar skal fyrirtækið tilkynna um það til Umhverfisstofnunar og rökstyðja ástæður þess að efni skýrslunnar ætti að njóta leyndar eigi síðar en 14. janúar 2019.

Umhverfisstofnun vekur athygli á því að þótt aðeins séu gerðar kröfur varðandi þær tvær vörur sem lentu í úrtaki eftirlitsmanna á staðnum er ljóst að sambærilegra úrbóta er þörf varðandi fleiri vörur hjá fyrirtækinu sem ekki standast kröfur efnalaga eða reglugerða settra á grundvelli þeirra.


Umhverfisstofnun vekur einnig athygli á því að samkvæmt XIII. kafla efnalaga er stofnuninni heimilt að beita þvingunarúrræðum til að knýja á um framkvæmd ráðstöfunar samkvæmt lögnum, til að mynda með áminningu sbr. 55. gr., álagningu dagsekta sbr. 56. gr. og stöðvun markaðssetningar sbr. 57. og 58. gr.

Jafnframt er vakin athygli á því að samkvæmt gjaldskrá fyrir verkefni og þjónustu Umhverfisstofnunar nr. 535/2015 innheimtir stofnunin tímagjald vegna eftirfylgni eftirlits og beitingar þvingunarúrræða, sbr. 30 gr. gjaldskrárinnar. Komi ekki til frekari eftirfylgni eða beitingar þvingunarúrræða í þessu máli verður ekkert gjald innheimt.

Upplýsingar um flokkun, merkingu og umbúðir efna og efnablandna má finna á heimasíðu Umhverfisstofnunnar: <https://ust.is/atvinnulif/efni/flokkun-og-merking/>.

Fyrirtækinu er velkomid að leita til sérfræðing stofnunarinnar, Einars Oddssonar, eða í síma 591-2000 eða í gegnum netfangið [ainar.oddsson@ust.is](mailto:ainar.oddsson@ust.is) til að fá nánari upplýsingar um skyldubundnar merkingar og leiðir til úrbóta.

Virðingarfyllst,

  
Einar Oddsson  
Sérfræðingur

  
Isak Sigurjón Bragason  
Sérfræðingur

Meðfylgjandi: Eftirlitsskýrsla